





1208





R E C I T
V E R I T A B L E
D E L A T R A H I S O N
D E C O V V E R T E , E T
sanglante Intelligence sur la
Ville de Grenoble , par les
Rebelles du party du
S^r de Montbrun.

*Ensemble les lettres qui ont esté prinſes , avec un Clerc
ſorty de la Ville de Grenoble dans un tonneau à vin;
& comme ils avoyent entrepris de ſe ſaizir de
la grand Charrouſſe , & des paſſages de
Lyon , & de Savoye.*

Avec l'emprizonnement de Bouffier , Advocat au
Parlement , & pluſieurs autres de la Ville , qui
eſtoient conſors à cette trahiſon.



A L Y O N ,

Chez P I E R R E M A R N I O L L E S , demeurant
vis à vis la boucherie de l'Hôſpital.

M. D C. X X I.

Avec Permiſſion.

Case


F

39

326

16218

THE NEWBERRY
LIBRARY



R E C I T V E R I T A B L E
de la trahyson découverte, & sanglante Intelligence sur la Ville de Grenoble, par les rebelles du sieur de Montbrun, le Dimanche 7. Novembre.

LA malice de ceux qui ont envie de malfaire, ne manque iamais d'inventions pour pâlier s^{on} fait, & couvrir la nuit de ses méchancetez aux yeux des hommes ; mais ceux de Dieu sont trop clair-voyans, pour se laisser piper ny tromper à toutes les finesses humaines. Il veille cōtinuellement à la conservation de ceux qui le craignent, & quand vne fois il a prins en main le soin de leur conservation, il n'y a rien au monde qui luy

puisse nuire , ny áprocher d'eux pour
 leur procurer du mal. Au contraire
 tirant le bien du mal, & faisant tum-
 ber les desseins pernicioeux des mé-
 chans sur le nez de ceux qui les con-
 çoivent, il les ameine en fin au pas-
 sage de leur ruine, les rend confus en
 leurs inventions malicieuses, sans
 que le mal qu'on leur avoit procuré,
 puisse aucunement approcher des
 gents de bien, & de ceux que le Ciel
 tient en sa singuliere protection &
 sauvegarde. Les exemples en ont re-
 marqué les siecles de l'antiquité, &
 n'y a eu presque année qui n'en ait
 eu des remarques signalees : Mais si
 jamais il y a eu siecle ny année re-
 marquable en tout le temps qui s'est
 écoulé depuis que la Monarchie Frá-
 çoise est en estat, auquel l'on ait peu
 remarquer des signes evidants de la
 providence divine sur la conserva-
 tion

tion de cest Estat, nous pouvons dire que c'est en cette année presente, 1621. que nous en avons veu les plus signalez, en laquelle il semble que le Ciel s'est armé pour le bon droit de nostre bon Roy tres. Chrestien LOVYS LE IVSTE, qu'il a embrassé sa défense, & pris sa querelle en main pour la disputer contre ses rebelles subjets, & leur faire voir la Iustice de sa cause en la deplorable confusion de ces mutins. Nous en avons veu des effets de tous costez: mais specialement en voicy deux de fraische datte, en vn mesme lieu, sur mesmes desseins, & contre vne mesme ville, & toute la Province par consequent, qui est le Dauphiné, autant miraculeusement conservé, que malicieusement, & perfidement attaqué.

Nous avons ouy & sceu ces iours

passez la prinse du Comte de la Suze
 & du Viscomte de Manchaut, & plu-
 sieurs autres, par vn moyen & vne
 façon autant inesperee que les appa-
 rences y estoient du tout invisibles,
 & par des persônes de qui l'on n'eust
 iamais rien moins attendu; & main-
 tenant voicy vne autre prinse encore
 plus miraculeuse, bien que le person-
 nage ne soit de telle qualité, & d'v-
 ne façon encore plus extraordinaire,
 pour faire voir aux aveugles mesme
 que là où Dieu veut ayder, rien ne
 peut nuire, & que ce Souverain pro-
 tecteur des Monarchies a ietté les
 yeux de sa pitié & compassion sur
 nostre pauvre France, pour empes-
 cher le coup de son entiere cheute &
 desolation, & pour confondre en
 leurs inventions ceux qui l'avoient
 ietté en la fournaise pour la déchirer
 en lambeaux.

Il faut donc ſçavoir que le ſieur
de Montbrun avec quelques autres
affectibonnez au party des Rebelles,
ayant formé quelque intelligence
ſur la ville de Grenoble pour ſ'en
ſaiſir, faiſoit remuer ſes reſſorts de-
dans; & entre eux apres avoir tout
comploté & conclud, ils choiſirent le
Dimanche 7. du preſent mois de
Novembre pour executer leur entre-
priſe entre onze heures du ſoir &
minuiſt. Ceux de dedans donc ayant
arreſté cela entre eux en voulurent
advertir ledit ſieur de Montbrun, à
ce qu'il ſe tint preſt de ſon coſté, &
donna là où l'on avoit advisé au ſi-
gnal qui luy ſeroit fait, à fin que tout
ſe rencontraſt à vne meſme heure &
à point nommé: mais il falloit vn
meſſager pour en porter la reſolutiō,
& il y avoit du danger d'eſtre ſurpris
en ſortant. Vn certain Advocat en

Parle

Parlement, nommé Bouffier en préd la charge, dit qu'il a homme propre à cela, & de l'invention pour le faire sortir, sans aucun danger. Là dessus on luy dresse toutes ses memoires & lettres de creance, avec toutel'instruction nécessaire à toute l'entreprise, & comment le tout se devoit iouër.

Bouffier s'adresse à son Clerc, & luy conte tout l'affaire. Le Clerc estimant que c'estoit vne occasion heureuse, tant pour le coup de sa fortune, que pour rendre vn bon office au party, auquel il estoit affectionné, se charge fort bien de cette ambassade, & dit qu'il en fera fort bien son devoir; & là dessus comme vn autre Phaëton, croyant devoir écheller le Ciel bien tost, il se prepare à son voyage. Mais avant que partir il envoie vn certain Poulet à vne certaine

Amie

Amie qu'il avoit, & apres l'avoir as-
 feuré de la continuation de son ami-
 tié, luy mande qu'il s'en alloit aux
 champs, & qu'il estoit sorty hors
 de la ville, par vne subtile invention;
 mais que c'estoit pour revenir bien
 tost, & en tel equipage qu'elle seroit
 heureuse de le voir, & avec cela luy
 touche quelques paroles qui éclai-
 roient aucunement l'affaire.

Ce Poulet est surprins, & inter-
 preté, ce qui met incontinent la Vil-
 le en allarme, mais l'on ne sçait bon-
 nement qui en est l'auteur, ny où il
 est; mais cependant bonne garde.

Le Clerc ayant donné ordre à
 tout son fait, & saisi de toutes ses in-
 structions, se fait foncer dans vn ton-
 neau propre à tenir du vin, pour for-
 tir de la Ville avec plus de seurte, &
 moins de danger, & passer le Port de
 Clay à deux lieües de Grenoble, gar-

dé par les Sieurs de S. Pol, & de la Ti-
uolliere. Il sort donc comme celà de
la Ville, estant conduit par vn char-
retier, & passe iusque de là le Port de
Clay, sans que iamais l'on s'apperceut
de rien, puis se voyant enuiron vn
cart de lieuë loin du Port, se iugeant
assez en lieu d'assurance, il fait de-
foncer le tonneau, & sort de dedans;
comme iadis les Grecs sortirent de
leur Cheval de bois pour prendre
Troye. Comme il fut sorty de cette
prison volontaire il se met en che-
min; mais n'est pas échappé qui sa
corde traine. Il n'eut pas fait cinquā-
te pas, qu'il treuve vn autre clerc, sien
camarade & grand amy, & apres les
salutations accoutumees, ce camara-
de luy demande où il vā. Luy peu-
duit à tels affaires, ou plustost disons
que c'estoit le bon Genie du Dau-
phiné, qui luy faisoit preferer telles
paroles,

paroles, luy declare tout son fait, sans autre instance, comme se sentant asseuré de luy, & ne craignant rien moins que ce qui luy arriua; puis luy dit s'il vouloit prendre party, avec Monsieur de Montbrun, & se trouver à l'exécution de l'entreprise, il luy feroit avoir bon party, & luy feroit faire vne belle fortune tout à coup.

L'autre voyant vne belle occasion pour rendre vn bon service à son Roy, & à sa patrie, feint d'en estre bien aise, luy promet d'aller avec luy, le caresse avec vne milliasse de remerciemens pour ce grand bien qu'il luy alloit procurer; mais l'exhorte d'avoir vn peu de patience seulement pour demye heure, qu'il s'en alloit décharger de quelques affaires qui pressoient necessairement, & qu'aussi tost il le revenoit trouver pour s'en

aller ensemble.

Ce porteur attend, & cependant l'autre se porte en toute diligence au Port de Clay, aduertit Messieurs de S. Pol, & de la Tiuolliere de tout ce qui se passoit, & eux advolant sur le lieu se saisissent de ce compagnon, le fouillent, & le treuient chargé de ces lettres, & memoires; & comme celà le conduisent assurement à Grenoble, où il fut interrogé par Monsieur le Premier President, & apres celà on le confine en vne profonde fosse. Il accusa son Maistre, & quelques autres, qui furent à l'instant mis en prison, & entre autres vn nommé God, Greffier, & vn autre Bigaud; Clerc.


Par la teneur des lettres, & memoires, l'on a decouvert, & sceu comme toute leur entreprinse se deuoit iouer, à quel temps, & à quelle heure, avec toute l'instruction de ce qu'ils deuo


deuoient faire : & entre aũtres choses, ils se deuoient saisir de la grande Chartrouffe, & se fortifier là dedans pour se mieũx asseurer du pais, & tenir le chemin de Sauoye, & de Lyon, à leur volonté. L'on a sçeu d'auantage qu'il estoit entré cent Maistres, ainsi foncez dans des tonneaux: comme si c'eust esté du vin qui venoit aux habitans, & sont dans la Ville cachez, pour attendre l'occasion de faire quelque mauvais party à cette pauvre ville, si la fortune leur est favorable. Du depuis, comme l'on prend maintenant garde à tout, l'on a encore surprins à la porte de Bonne vn certain homme habillé en Prestre, qui au dessous de sa robbe, s'est treuvé couvert d'escarlatte rouge, & de clinquants d'or, avec des lettres & memoires, adressantes à vn certain de la ville, mais on ne sçait pas


encor


encor leur nom, & ont esté mis dans
la prison, & confessent de iour en
iour plus qu'onne leur demande. Les
habitans du despuis ont fait, & font
grosses gardes, ils ont fait mettre du
depuis douze pieces de batterie, qui
ont esté prinſes au logis de Monſei-
gneur le Maréchal: outre ce, il abor-
de tous les iours force troupes, leveez
à la diligéce de Monsieur le premier
Preſident, & de tout le Parlement,
ſous la charge de Meſſieurs le Viſi-
comte de Paſquier, du Belier, & de
Maugiron, Generaux del'Armée du
Roy en Dauphiné.


Voilà comme Dieu a voulu en-
core vne ſeconde fois, garantir la
ville de Grenoble, & tout le Dauphi-
né par conſequent, & comme il a fait
que les entrepreneurs ont esté prins
eux meſmes, & confus en leur confu-
ſion.























-hs-

